

續修四庫全書

《續修四庫全書》編纂委員會編

續修四庫全書

上海古籍出版社

一二四・經部・春秋類

春秋左傳詁二十卷

〔清〕洪亮吉撰

一

春秋世族輯略二卷春秋列國輯略一卷

〔清〕王文源撰

三八三

春秋左傳補疏五卷

〔清〕焦循撰

四四一

春秋左傳釋人十二卷附錄一卷

〔清〕范照藜撰

四九一

春秋左傳補注三卷

〔清〕馬宗璉撰

七一五

268/03

春秋左傳詁

〔清〕洪亮吉撰

據上海辭書出版社圖書館藏
清光緒四年授經堂刻本影印原
書版框高一八五毫米寬二七四毫米

高燦戶傳 詒二十卷

光緒四十年
授經堂重刊

春秋左傳詒序

余少從師受春秋左氏傳卽覺杜元凱于訓詁地理之學殊疎及長博覽漢儒說經諸書而益覺元凱之注其望文生義不臻古訓者十居五六未嘗不歎漢儒專家之學至孫炎薛夏韋昭唐固之後法已盡亡自魏受禪至晉平吳之歲不及百年戎馬倥傯著書者漸少輔嗣既啓空疎之習子雍復開飾僞之門而孔門之弟子門人一綫相承不絕如縷者至此始斷而不克續矣然又竊怪元凱雖無師承然其時精輿地之學者裴秀京相璠司馬彪之傳尙布列中外卽以訓詁論左氏一經陳元鄭眾賈逵馬融延篤服虔彭汪許淑潁容諸人之說俱在倘精心搜采參酌得

春秋左傳詒序

中何至師心自用若此豈平吳之後位望既顯心跡較塵又一時諸儒學淺位下不復能駁難故耶自此書盛行千六百年雖有樂遜序義劉炫規過之書不能敵也況今日去劉炫等又復千載其敢明目張膽起而與之爭乎然以後人證前人之失人或不信之以前人以前之人正前人之失則庶可釐然服矣於是冥心搜錄以他經證此經以別傳校此傳寒暑不輟者又十年分經爲四卷傳爲十六卷遵漢藝文志例也訓詁則以賈許鄭服爲主以三家固專門許則親問業於賈者也掇及通俗文者服子慎之所注與李虔所續者截然而兩徐堅初學記等所引可證也地理則以班固應劭京相璠司馬彪等爲主輔而晉以前

輿地圖經可信者亦酌取焉又舊經多古字古音半亡於杜氏而俗字之無從鈎校者又半出此書因一一依本經與二傳暨漢唐石經陸氏釋文與先儒之說信而可徵者逐件校正疑者闕之大旨則以前古之人正中古之失雖旁證曲引惟求申古人之旨而已無預焉者也卷中凡用賈服舊注者曰杜取此用漢魏諸儒訓詁者曰杜本此用京相馬彪諸人之說者曰杜同此以別之書成合爲二十卷藏諸家塾以教子弟焉名爲春秋左傳詁者詁古故字通欲存春秋左傳之古學耳時嘉慶十二年歲在丁卯立夏日也

卷一

春秋左傳詁序
經 隱公至莊公

卷二

經 閔公至文公

卷三

經 宣公至襄公一

卷四

經 襄公二至哀公

卷五

傳 隱公至桓公

卷六

傳 莊公至閔公

卷七

傳 僖公一

卷八

傳 僖公二

卷九

傳 文公

卷十

傳 宣公

卷十一

傳 成公

卷十二

春秋左傳詁目錄
傳 襄公一

卷十三

傳 襄公二

卷十四

傳 襄公三

卷十五

傳 昭公一

卷十六

傳 昭公二

卷十七

傳 昭公三

卷十八

傳昭公四

卷十九

傳定公

卷二十

傳哀公

春秋左傳目錄

四

春秋左傳詰卷一

陽湖洪亮吉學

春秋經一

隱公

元年春王正月爾易子夏傳元始也釋賈逵左傳義云公

羊以魯隱公為受命王黜周為二王後名不正則言不

順言不順則事不成今隱公人臣而虛稱以王周天子

見在上而黜公侯是非正名而言順也如此何以笑子

路率爾何以為忠信何以為事上何以為法何以全身

疏公羊二服虔云孔子作春秋於春每月書王以統三王之

正本疏三月公及邾儀父盟于蔑爾買服以為儀父嘉隱

公有至孝謙讓之義而與結好故貴而字之善其慕賢

悅讓疏本汲郡古文作魯隱公及邾莊公盟于姑蔑公羊

經穀梁經皆作盟于昧公羊又作邾婁儀父公羊凡邾

婁字陸氏音義云邾人語聲字下皆有後曰婁故曰邾婁禮記同

義讀按文七年先蔑公羊作先昧史記楚世家及屈賈

列傳殺其將唐昧正義昧莫葛反呂氏春秋作唐蔑與此正同

知古文昧蔑通也劉熙釋名盟明也告其事於神明也

詩鄭箋盟歃血盟劉昭郡國志注魯國卞縣南有姑城

此杜同夏五月鄭伯克段于鄆爾馬融尚書注克勝也漢

書地理志陳畱郡雋應劭曰鄭伯克段於雋是也按趙

匡集傳云鄆當作鄆鄭地在緱氏縣西南至十一年乃

屬周左氏云王取鄆劉焉邦之田于鄭是也傳寫誤爲
 鄆字今考杜注潁川鄆陵縣既非趙匡以爲當作鄆一
 無確據又係改字亦非也惟應劭之說最足依據鄆縣
 前漢屬陳留後漢屬梁國作陽陳留郡在春秋時大半
 屬鄭且傳上云至於廩延杜注廩延鄭邑陳留酸棗縣
 北有延津廩延至陽既屬順道又渡河至其亦便明克
 段之地爲陳留陽縣無疑秋七月天王使宰咺來歸惠
 公仲子之貽賈逵云畿內稱王諸夏稱天王夷狄稱天子秋三家經訓詁服虔云咺天子宰夫周禮又云則覆也天王所以覆被臣子本春秋說題詞貽之爲言覆也
 也張揖廣正釋詁歸死者曰貽按服氏訓當與何休

春秋左傳卷一

二

說合觀休云貽猶覆也蓋謂覆被亡者耳九月及宋人
 盟于宿司馬彪續漢書郡國志東平國無鹽本宿國任姓此按司馬彪傳彪撰續漢書在武帝太始中而
 預作經傳集解則在太康時預所採地理諸說多與京
 相璠司馬彪同預雖與二人同時或其書先出且學又
 專門故採用之也冬十有二月祭伯來穆天子傳作
 祭云鄆鄆公邑按僖二十四年傳肸祭即此章昭國語
 注祭畿內國名爲王卿士杜本公子益師卒許慎說
 文解字大夫死曰殯从歹卒聲按經典皆作卒蓋古文
 省

二年春公會戎于潛 夏五月莒人人向世本莒己姓

今誤紀漢書地理志城陽國莒故國沛郡向故國春秋
 曰莒人入向姜姓炎帝後京相璠云水經注按下列
 沛國縣今并屬譙國龍亢也杜同無駭帥師入極穀梁
 後後同古今賈逵云極戎邑也本穀梁傳云極國也
 人表無作亡賈逵云極戎邑也本穀梁傳云極國也
 按唐十二分野圖極國在費西南又高誘淮南子注展
 無佞柳下惠之父也佞駭古字同穀梁即作佞秋八月
 庚辰公及戎盟于唐郡國志山陽郡方輿有武唐亭
 此杜同九月紀裂繻來逆女公羊穀梁並作肥履綸按
 肥紀字近履綸裂繻音同冬十月伯姬歸于紀紀子
 帛莒子盟于密公穀並作紀郡國志北海國涑于有密
 鄉杜同十有二月乙卯夫人子氏薨劉賈許穎云日

春秋左傳卷一

三

月詳者弔贈備日月略者弔有關釋文薨公侯卒也
 白虎通薨之言奄也奄然亡也釋名諸侯曰薨薨壞之
 聲也按小君得從君例故亦曰薨鄭人伐衛傳文及
 詩鄭箋有鐘鼓曰伐杜本
 三年春王二月己巳日有食之釋文食本說文有不宜
 有也春秋傳曰日月有食之按有字从月故說文云日
 月有食之錢詹事大昕又云日食者月食之也故說文
 連言日月三月庚戌天王崩曲禮天子死曰崩說文
 崩山壞也釋名天子曰崩崩壞之形也崩殞聲夏四月
 辛卯君氏卒公穀皆秋武氏子來求購八月庚辰宋
 公和卒冬十有二月齊侯鄭伯盟于石門京相璠

云石門齊地今濟北盧縣故城西南六十里有故石門
去水三百步水經注按濟北盧縣春秋時即齊地故京相
璠云云杜注分爲二地殊誤癸未葬宋穆公公穀傳作
同書亦按穆繆古字通禮喪服小記序以昭繆鄭氏注
云繆讀爲穆謚法布德執義曰穆又中情見貌曰穆

四年春王二月莒人伐杞取牟婁地理志陳留郡雍丘
故杞國也杜本世本杞姒姓本戊申衛州吁弑其君完
殺梁作祝賈逵云弑君取國故以國言之本按此二
條亦春秋之始例正義言諸弑君者莊公以上皆不書
氏閔公以下皆書氏足申明賈義夏公及宋公遇于清
別本作宋人誤劉賈以遇者用冬遇之禮疏本京相璠云今濟

春秋左傳卷一

四

北東阿東北四十里有故清亭即春秋所謂清者也水經
注郡國志東阿有清亭杜同宋公陳侯蔡人衛人伐鄭
秋鞏帥師會宋公陳侯蔡人衛人伐鄭九月衛人
殺州吁于濮賈逵云濮陳地杜取此漢書地理志
東郡濮陽應劭曰濮水東入鉅野杜本冬十有二月衛
人立晉

五年春公矢魚于棠詩毛傳矢陳也賈逵云棠魯地陳
魚而觀之史記魯世家按毛傳及賈逵本爾正釋文公
穀作觀魚史記漢書五行志並作觀魚於棠杜取郡國
志山陽郡方輿有武唐亭魯侯觀魚臺杜同夏四月葬
衛桓公秋衛師入郕公羊傳作郕郡國志濟北國成

本國劉昭注左傳衛師入郕即此按前漢濟北國并泰
山後漢和帝永元二年復置地理志泰山郡有肥成縣
應劭曰肥子國別無所謂成縣也疑郡國志成上脫一
肥字昭遂誤以爲春秋時郕國耳水經注所稱京相璠
云東郡廩丘縣南三十里有成都故城魏王泰括地志
郕城在兗州泗水縣西北五十里山東圖經郕國城在
汶上縣北三十里春秋時郕子國若成後漢時作縣則
杜注不當云東平剛父縣西南有郕鄉矣然杜以爲郕
鄉在剛父縣西南亦微誤九月考仲子之宮初獻六羽
服虔云宮廟初成祭之名爲考將納仲子之主故考
成以致其五祀之神以堅之本郕人鄭人伐宋 螟

春秋左傳卷一

五

爾雅釋蟲食苗心螟舍人云食苗心者名螟言冥冥然
難知也李巡云食禾心爲螟言其姦冥冥難知也杜本
按說文螟蟲食穀葉者與此微不同冬十有二月辛巳
公子彊卒宋人伐鄭圍長葛京地名云長社北有
長葛鄉杜本郡國志潁川郡長社有長葛城杜同
六年春鄭人來渝平公穀並作輸按廣雅輸更也輸渝
古通用爾正及虞翻易注渝變也釋文本此桓元年杜
註亦同夏五月辛酉公會齊侯盟于艾秋七月冬
宋人取長葛賈逵賈服以爲長葛不繫鄭者刺不能撫有
其邑杜本

七年春王三月叔姬歸于紀賈逵云書之者刺紀貴叔

姬本滕侯卒世本滕姬姓文王子錯叔繡之後地
理志沛郡公王故滕國周懿王子錯叔繡所封三十一
世爲齊所滅郡國志沛國公王本滕國杜本按世本錯
叔繡文王子左傳亦云邾雍曹滕文之昭也古今人表
滕叔繡在中上注文王子獨此志謂出懿王蓋傳寫誤
一字夏城中王齊侯使其弟來聘秋公伐邾冬
天王使凡伯來聘郡國志河內郡其有汎亭劉昭注
凡伯國按凡汎古字通杜同戎伐凡伯于楚丘以歸郡
地理志山陽郡成武有楚丘亭杜本
八年春宋公衛侯遇于垂京相璠云今濟陰句陽縣小
城陽東五里有故垂亭者也郡國志濟陰郡句陽有垂

春秋左傳卷一

六

亭杜同三月鄭伯使宛來歸虘庚寅我入虘公穀皆作
書五行志郡國志泰山郡費有虘亭此夏六月己
亥蔡侯考父卒五經異義稱古春秋左氏說諸侯薨
赴於鄰國稱名則書名稱卒卒者終也取其終身又以
尊不出其國辛亥宿男卒秋七月庚午宋公齊侯衛
侯盟于瓦屋八月葬蔡宣公九月辛卯公及莒人
盟于浮來公穀皆作包來郡國志琅邪郡東莞有邳
邳有公來山或曰古浮來杜同螟冬十有二月無駭
卒
九年春天王使南季來聘天王諸本誤作天子三月癸酉
大雨震電庚辰大雨雪挾卒公穀皆夏城郎秋七

春秋左傳卷一

七

月冬公會齊侯于防公羊防
十年春王二月公會齊侯鄭伯于中丘夏鞏帥師會
人鄭人伐宋六月壬戌公敗宋師于營辛未取郕
郡國志濟陰郡成武有郕城杜同辛巳取防秋宋人
衛人入鄭宋人蔡人衛人伐戴鄭伯伐取之公穀皆作
亦作伐郡國志按說文載字注云戴故國在陳畱从邑戈聲
杜本地理志云梁國畱縣故戴國應劭曰章帝改曰考
城古者畱載聲相近故鄭康成詩箋讀似載爲熾苗是
其音大同故漢於戴國立畱縣漢書五行志引作戴師
古曰戴國今外黃縣東南戴城是也讀者多誤爲熾故
隋室置戴州焉冬十月壬午齊人鄭人入郕
十有一年春滕侯薛侯來朝干寶曰十盈則更始以奇
從盈數故言有也本地理志魯國薛夏車正奚仲所國
杜本世本薛任姓夏公會鄭伯于時來公穀皆作夏五
黎郡國志按來釐音同河南圖經釐城在榮澤縣東秋七月
壬午公及齊侯鄭伯入許地理志潁川郡許故國美
姓四岳後太叔所封二十四世爲楚所滅杜本冬十有
一月壬辰公薨
桓公
元年春王正月公即位古文春秋經公即位爲公即位
云古位立同字周禮按周禮小宗伯之職掌建國之神
位鄭注故書位作立鄭司農云立讀爲位惠棟云古鼎

銘位皆作立三月公會鄭伯于垂鄭伯以璧假許田廉信云鄭以祔不足當許田故復加璧夏四月丁未公及鄭伯盟于越 秋大水 冬十月

二年春王正月戊申宋督弑其君與夷鄭買氏以為督有無君之心故去氏及其大夫孔父鄭惠棟云孔父孔氏之先也傳曰孔父嘉為司馬是嘉名孔父字古人稱名字皆先字而後名祭仲足是也鄭有子孔名嘉說文曰孔从乙从子乙請子之鳥也乙至而得子嘉美之也古人名嘉字子孔說文此訓蓋指宋鄭兩大夫故先儒皆謂善孔父而書字杜注輒為異說不可從也滕子來朝 三月公會齊侯陳侯鄭伯于稷以成宋亂鄭買氏

春秋左傳卷一

九

服虔皆以成宋亂為成就宋亂本詩毛傳成平也此夏四月取鄆大鼎于宋戊申納于太廟 秋七月杞侯來朝公穀皆作紀侯蔡侯鄭伯會于鄆鄭買氏服以鄆為國言蔡鄭會於鄆之國都疏地理志南陽郡鄆故國應劭曰鄆侯國九月入杞 公及戎盟于唐冬公至自唐

三年春正月公會齊侯于贏鄭買氏達云不書王弑君易祔田成宋亂無王也元年治桓二年治魯十年正曹伯十八年終始治桓疏地理志泰山郡贏杜本夏齊侯衛侯胥命于蒲鄭買氏達云蒲甯殖邑也或當是賈徐堅初學記引左傳文并註云蒲甯殖邑也或當是賈服舊註六月公會杞侯于郕公羊紀作盛秋七月壬辰朔

日有食之既詩鄭箋既盡也此公子翬如齊逆女鄭買氏達云使單逆女兼修艾之盟九月齊侯送姜氏于謹鄭買氏達云齊北國蛇丘有下謹亭杜同按水經註引此即作下謹公會齊侯于謹 夫人姜氏至自齊

冬齊侯使其弟年來聘 有年鄭買氏達云桓惡而有年豐異之也言有非其所宜有疏穀梁宣十六年傳五穀皆熟為有年杜取

四年春正月公狩于郎爾雅釋天冬獵曰狩杜本夏天王使宰渠伯糾來聘鄭買氏達云何休以為左氏宰渠伯糾父在故名仍叔之子何以不名又仍叔之子以為父在稱子伯糾父在何以不稱子鄭箴之曰仍叔之子者譏

春秋左傳卷一

九

其幼弱故略言子不名之至於伯糾能堪聘事私亂又不失子道故名且字也杜略取此惠棟云渠周邑昭二十六年傳劉子以王出次於渠註云周地然則伯糾蓋氏於邑者

五年春正月甲戌己丑陳侯鮑卒 夏齊侯鄭伯如紀天王使仍叔之子來聘鄭買氏達云葬陳桓公 城祝丘地理志東海郡即丘孟康曰古祝丘郡國志琅邪國即丘侯國故屬東海春秋曰祝丘秋蔡人衛人陳人從王伐鄭鄭服虔云言人者時陳亂無君則三國皆大夫也詩大雩鄭買氏達云言大別山川之雩蓋以諸侯雩山川魯得雩上帝故稱大服虔註左傳云大雩夏祭天名

零遠也遠為百穀求膏雨也續漢書志注又云零遠也遠為

百穀所膏雨言大別山川之零也禮記公羊凡蠶

爾雅釋蟲蠶蟣蛸杜本冬州公如曹曹世本州國美

姓曹國姬姓文王子叔振鐸之後也疏本服虔云春秋前

以黜陟之法進爵為公本地地理志濟陰郡定陶故曹國

周武王弟叔振鐸所封杜本

六年春正月寔來惠棟云孔穎達曰凡言寔者已有其

事可後實之今也方說所為不宜為實故轉而為寔訓

之為是也春秋桓六年州公寔來而左傳作實來是由

燕趙之間實寔同音故字有異也按註及孔疏寔當作

實石經傳文作寔北宋本同誤也陳樹華云傳解經不

容立異且公穀二家皆作寔來寔訓為是杜註乃云寔

實也猶之隱六年經淪平傳曰更成杜獨訓淪為變顯

與傳違於義為短又按禮記大學引尚書秦誓是能容

之是不能容是並作寔蓋文異而音義同也孔氏墨守

杜說非是儀禮覲禮註云今文實作寔故變文言寔來

淪化本此寔字作實非按詩小星寔命不同毛傳寔是

也韓詩作實命不同夏四月公會紀侯于成穀梁成

陸氏穀梁音義曰左氏作杞侯按三年書公會杞侯于

鄆則此處亦當作杞侯疑傳寫誤也秋八月壬午大閱

註賈註經曰簡車馬於廟也公羊疏賈雅閱數也蔡人

殺陳佗九月丁卯子同生惠士奇云穀梁子曰疑

故志之按桓公三年夫人姜氏至自齊十八年公與夫

人姜氏逆如齊始與齊侯亂中間文姜未有如齊之事

而於六年始書子同生明同為桓公子此聖人筆削之

微意莊四年冬公及齊人狩於禚齊有猗嗟之詩為莊

公狩而作也其詩曰展我甥兮亦嫌文姜之亂而證其

為齊之甥夫子刪詩存之與書子同生一例公羊傳曰

同非吾子齊侯之子也名教大開聖人於此安得而不

慎乎知此則知聖人刪定六經之意矣三傳惟穀梁得

聖人之旨其真子夏之門人與冬紀侯來朝

七年春二月己亥焚咸丘公羊傳焚者何樵之也樵之

者何以火攻也杜略本此按孟子弟子有咸丘蒙當即以地

為氏山東圖經咸丘在鉅野縣南夏穀伯綏來朝地

理志南陽郡筑陽故穀伯國杜本劉昭引博物志穀國

今穀亭鄧侯吾離來朝

八年春正月己卯烝天王使家父來聘夏五月丁丑

烝秋伐邾冬十月雨雪祭公來遂逆王后于紀

註章昭國語註祭畿內之國周公之後圖經祭城在鄆

州城東北一十五里周公第五子所封五經異義稱左

氏說王者至尊無敵體之義故不親迎使上卿迎之諸

侯有故若疾病則使上大夫迎之上卿臨之按隱元年

有祭伯而此云祭公蓋伯係本爵入為天子三公故又

得稱公也

九年春紀季姜歸于京師 夏四月 秋七月 冬曹伯使其世子射姑來朝

十年春王正月庚申曹伯終生卒 夏五月葬曹桓公

秋公會衛侯于桃丘弗遇國志東郡燕有桃城同杜此冬十有二月丙午齊侯衛侯鄭伯來戰于郎

十有一年春正月齊人衛人鄭人盟于惡曹 夏五月癸未鄭伯寤生卒 秋七月葬鄭莊公 九月宋人執鄭祭仲賈逵長義云公羊曰祭仲之權是也若令臣子得行則閉君臣之道啓篡弑之路公羊突歸于鄭鄭忽

出奔衛 柔會宋公陳侯蔡叔盟于折 公會宋公于夫鐘公羊作冬十有二月公會宋公于闕國志東

平國東平陸有闕亭杜同

十有二年春正月 夏六月壬寅公會杞侯莒子盟于曲池公穀杞侯皆作紀侯秋七月丁亥公會宋公燕人盟于穀丘 八月壬辰陳侯躍卒國世本躍爲厲公此杜本

公會宋公于虛公羊作鄭冬十有一月公會宋公于龜丙戌公會鄭伯盟于武父 丙戌衛侯晉卒 十有二

月及鄭師伐宋丁未戰於宋

十有三年春二月公會紀侯鄭伯己巳及齊侯宋公衛侯燕人戰齊師宋師衛師燕師敗績國賈服註譏衛侯不稱于疏尚書序大奔曰敗績杜本三月葬衛宣公

夏大水 秋七月 冬十月

十有四年春正月公會鄭伯于曹 無冰 夏五 鄭伯使其弟語來盟穀梁語秋八月壬申御廩災國古微書引春秋考異鄧天火爲災杜本乙亥嘗國服虔云魯以壬申被災至乙亥而嘗不以災害爲恐疏本冬十有二月丁巳齊侯祿父卒 宋人以齊人蔡人衛人陳人伐鄭

十有五年春二月天王使冢父來求車鄭康成儀禮士冠禮註作嘉甫三月乙未天王崩 夏四月己巳葬齊僖公 五月鄭伯突出奔蔡鄭世子忽復歸于鄭 許叔入于許 公會齊侯于艾公羊艾作鄭邾人牟人葛人來朝國地理志泰山郡牟故國應劭曰魯附庸也陳留郡寧陵孟康曰

春秋左傳卷一

三

春秋左傳卷一

三

故葛伯國今葛鄉是杜本秋九月鄭伯突入于櫟 冬十有一月公會宋公衛侯陳侯于袤伐鄭公羊宋公上按說文袤字註云春秋傳曰公會齊侯於核蓋袤核本一字文之變耳又據說文則宋公上當有齊侯二字

十有六年春正月公會宋公蔡侯衛侯于曹 夏四月公會宋公衛侯陳侯蔡侯伐鄭 秋七月公至自伐鄭

冬城向 十有一月衛侯朔出奔齊

十有七年春正月丙辰公會齊侯紀侯盟于黃國按地理志東萊郡黃縣春秋時屬齊此盟於黃疑卽是二月丙午公會邾儀父盟于趙國說文趙動也春秋傳曰盟於

九

春秋左傳誌 卷一

趙趙地名此杜本夏五月丙午及齊師戰于奚公羊及

若視朔而不登臺則書月不書時若雖無事視朔登臺

則書時書月正義六月丁丑蔡侯封人卒 秋八月蔡

季自陳歸于蔡 癸巳葬蔡桓侯劉賈許曰桓卒而

季歸無臣子之辭也蔡侯無子以弟承位羣臣無廢主

社稷不乏祀故傳稱蔡人嘉之非貶所也本及宋人衛

人伐邾 冬十月朔日有食之

十有八年春王正月公會齊侯于濼說文濼齊魯間水

也春秋傳曰公會齊侯于濼按宋陸友仁云濟水自王

莽時不能至河西而濼水之所入者清河也杜註失之

春秋左傳卷一

十四

公與夫人姜氏遂如齊公羊無夏四月丙子公薨于齊

丁酉公之喪至自齊 秋七月 冬十有二月己丑葬

我君桓公

莊公

元年春王正月 三月夫人孫于齊釋文賈逵服虔皆

以為桓公之薨至是年三月期而小祥公憂思少殺念

及于母以其罪重不可以反之故書孫于齊耳其實先

在齊本未歸也詩賈服云蓋桓公之喪從齊來上按杜注

以夫人此時始出奔非是當以賈義為長爾雅孫遁也

廣雅孫去也杜本夏單伯送王姬公穀送秋築王姬之

館于外白虎通引作築王姬冬十月乙亥陳侯林卒

王使榮叔來錫桓公命爾雅錫賜也杜本 王姬

齊 齊師遷紀郕郕郡地理志琅邪郡餅梧城水經

注作郕城地理風俗記曰朱虛縣東四十里有郕亭城

故縣也應劭曰臨胸有伯氏駢邑按駢即餅也郕餅駢

古字同郡國志齊國臨胸有三亭古郕邑杜本說文郕

宋衛間地按杜注北海都昌縣西有訾城即此郕訾音

同唐於都昌縣郕城置訾亭縣以此

二年春王二月葬陳莊公 夏公子慶父帥師伐於徐上

秋七月齊王姬卒 冬十有二月夫人姜氏會齊侯

于禚公羊禚作郕下按論衡書虛篇亦引作郕禚郕

音同據此則禚當即郕國說文所云周文王子所封國

春秋左傳卷一

十五

也與南郕北郕本別劉炫難杜亦然乙酉宋公馮卒

三年春王正月溺會齊師伐衛 夏四月葬宋莊公 五

月葬桓王 秋紀季以鄆入于齊劉賈謂紀季以鄆

奔齊不言叛不能專鄆也本賈逵以為紀季不能兄弟

同心以守國乃背兄歸警書以譏之後漢書杜注按說文鄆東

海之邑杜注云紀邑蓋取穀梁傳說地理志淄川國東

安平孟康曰紀季以鄆入於齊今鄆亭是也杜本冬公

次于滑公穀滑郡國志陳畱郡襄邑有滑亭杜同

四年春王二月夫人姜氏享齊侯于祝丘公穀皆作襄

會三月紀伯姬卒 夏齊侯陳侯鄭伯遇于垂 紀侯

大去其國 六月乙丑齊侯葬紀伯姬 秋七月 冬

公及齊人狩于禚

五年春王正月 夏夫人姜氏如齊師 秋鄭卒來朝

公羊作 說 世本邾顏居邾肥徙邾宋忠注云邾顏別封

小子肥於邾為小邾子冬公會齊人宋人陳人蔡人伐

衛

六年春王正月王人子突救衛 公穀皆 夏六月衛侯朔入

于衛 秋公至自伐衛 螟 冬齊人來歸衛俘 歸釋

例云齊人來歸衛實公羊穀梁經傳及左氏傳皆同惟

左氏經獨言衛俘考三家經傳有六而五皆言實此必

左氏經之獨誤也按說文保从人保省聲古文保不省

然則古字通用實或保字與俘相似故誤作俘耳 本顏

春秋左傳卷一

十六

師古曰經書齊人來歸衛俘傳言衛實公羊穀梁經並

為實杜預注云疑左氏傳經誤按爾雅云俘取也書序

曰遂伐三資俘厥寶玉然則所取于衛之寶而來獻之

經傳相會義無乖爽豈必俘即是人杜氏之說為不通

矣惠棟云周書顧命陳寶赤刀說文引作保李氏鏡銘

明如日月世之保與實同

七年春夫人姜氏會齊侯于防 夏四月辛卯夜恆星不

見 穀梁夜 詩鄭箋恆常也 杜本 夜中星隕如雨 公羊

作 服虔注如而也 本疏見隱七 按周禮大司樂正義

實 引左傳作星實而雨 五行志曰 論衡菽增篇及說日篇

兩引春秋並作夏四月辛卯夜中恆星百見星實如雨

秋大水 無麥苗 冬夫人姜氏會齊侯于穀 鄭

志東郡穀城 杜同 按晉移屬濟北國

八年春王正月師次于郎以俟陳人蔡人 賈逵及說

梁者皆云陳蔡欲伐魯故待之何休服虔云欲其伐郎

杜取 服說按杜注云期共伐郎今考此年夏師及齊師圍郎

郎降于齊師經文及傳皆不及陳蔡知魯無期陳蔡共

伐郎之事當以賈說為長正義申杜又云陳蔡與魯境

絕路遙無緣伐魯按既云境絕路遙則魯無容約遠國

伐近國若云二國可其約伐郎則郎與魯接壤何為獨

不可伐魯乎正義之說可謂進退失據矣甲午治兵 公

作 夏師及齊師圍郎郎降于齊師 公羊成 秋師還

春秋左傳卷一

十七

冬十有一月癸未齊無知弑其君諸兒 別本或作殺 諸

賈逵以為弑君取國故以國言之 本疏在 隱四年

九年春齊人殺無知 公及齊大夫盟于莒 公穀說 莒

國志琅邪國繪有概亭 杜本 莒概同夏公伐齊納子糾

公穀皆作納 賈逵云不言公子次正也按正義則知

賈氏本無子字與公穀合管子作子糾劉向新序淮南

子並同齊小白入于齊 賈服以為齊大夫來迎子糾

公不亟遣而盟以要之齊人歸迎小白 本疏 按賈服蓋尋

經文得之使齊大夫樂從于盟并有成約則公納子

糾不須言伐且下言齊小白入于齊從國逆之文明齊

大夫不樂魯君要盟因變計逆小白也若如杜云二公

子各有黨迎小白者又非盟蕒之人則小白之人與者
半不與者半又何得泛引國逆而立之曰九例乎人自
矛盾矣秋七月丁酉葬齊襄公 八月庚申及齊師戰
于乾時我師敗績地理志千乘郡博昌時水東北至
鉅定入馬車濱幽州寢京相璠云今樂安博昌縣南界
有時水西通濟其源上出盤陽北至高苑下有死時中
無水為春秋之乾時也水經注九月齊人取子糾殺之
賈逵云爾子者慙之本按上經一本無子字此始有
之故以為慙劉炫說與賈同正義議賈非是冬浚洙京相服虔言洙水在魯城北浚深之為齊備也
按此則京杜皆用服說水經

春秋左傳卷一

十六

十年春王正月公敗齊師于長勺 二月公侵宋 三月
宋人遷宿 夏六月齊師宋師次于郎公敗宋師于乘
丘地理志濟陰郡乘氏應劭曰春秋敗宋師于乘丘
是也按張華博物志亦云濟陰乘氏侯國古乘丘杜注
以為泰山郡乘丘恐非小顏注地理志亦取杜說誤秋
九月荆敗蔡師于莘以蔡侯獻舞歸穀梁舞冬十月齊
師滅譚譚子奔莒說文韞國也齊桓公之所滅按史
記作郊徐廣曰一作譚蓋音同而誤郡國志濟南郡東平陵有
譚城杜同
十有一年春王正月 夏五月戊寅公敗宋師于鄆按
即莊元年鄉鄆郡之鄆說文云宋魯間地杜直云魯地

亦誤秋宋大水 冬王姬歸于齊

十有二年春王三月紀叔姬歸于鄆 夏四月 秋八月
甲午宋萬弑其君捷及其大夫仇牧賈氏以為宋萬
未賜族本又賈氏云公羊穀梁曰接公羊惠棟曰捷與
接古字通易晉卦曰晝日三接鄭注曰接勝也禮內則
接以太牢注云接讀為捷捷勝也音義並同今按正義
譏賈云傳曰南宮長萬則為己氏南宮不得為未賜族
今考春秋時族有不由君賜者如士會之孥處素者為
劉氏伍員之子在齊為王孫氏外傳知果自別其族為
輔氏則南宮之族或因所居之地以自稱非由君賜亦
未可知即如襄仲居東門故曰東門氏亦非君賜是其

春秋左傳卷一

五

一證又賈於前年乘丘之役南宮長萬下即注云南宮
氏萬名是非不知萬氏南宮而此云未賜族者蓋以南
宮實非君所賜氏故耳正義每申杜駁賈並無義理均
所不取冬十月宋萬出奔陳
十有三年春齊侯宋人陳人蔡人邾人會于北杏穀梁齊
人賈服說北杏之會邾時已得王命本賈按經書邾
人始此故賈服云然十六年邾子克卒杜注云邾子者
蓋齊桓請王命以為諸侯再同盟亦用賈服說也夏六
月齊人滅遂世本遂媽姓地理志泰山郡蛇丘隱鄉
故隧國杜同京相璠曰遂在蛇丘東北十里水經按蛇
丘東北無城以擬之東北當作西北杜注承京相之誤